

NotatDato: 14.04.2014
Arkivsak: 2014/577-10
Saksbehandlar: ireolse

Til: Fylkeskasseraren v/Arild Pettersen

Frå: Eigedomsseksjonen

Rekneskapsavslutting prosjekt nr. 02102 - Manger folkehøgskule - opprusting internat

Rekneskap: 29 369 841,18 Budsjett: 29 485 000,-

Fuv 63/08	løyving kr	3 000 000,-
Løyving 2009	løyving kr	12 500 000,-
Fuv 43/10	løyving kr	9 000 000,-
Fuv 32/11	løyving kr	4 000 000,-
Fuv 250/11	løyving kr	985 000,-

Fuv 63/08 – utdrag frå saka:

«Manger folkehøgskule har stort behov for å ruste opp internatavdelinga. Internatet som er på om lag 860 m², vart bygd i 1964. Det er eit bygg med 3 separate inngangar, og det er gjort lite med bygget sidan det var nytt. Det er dårlege sanitærtilhøve, og standaren held ikkje dei krav som ein stillar i dag. Skulen treng i tillegg fleire internatplassar. Prosjektet vil måtte gjennomførast som fleire etappar, og i første omgang er det snakk om planleggingskostnader samt oppstart av opprusting/rehabilitering. Samla prosjektomfang er uvisst.

Ein rår til at det vert løyvd 3 mill. kroner til prosjektet i 2008, medan ytterlegare løyvingar vert å komme attende til.»

Fuv 43/10 – utdrag frå saka:

«Arbeidet med opprusting av internatet ved skulen er starta opp, og vil bli gjennomført i etappar. For tida pågår det ei vurdering kva som er mest ynskjeleg i forhold til å gjennomføre tiltak mest mogleg samla, dvs. stenge ned større delar i gongen, eller å ta det litt meir over langs. Dette har blant anna samanheng med litt forsinkingar knytt til mykje kulde den seinaste tida.

Dersom ein held seg til opphavleg framdrift vil det være behov for heile restløyvinga i år. I motsatt fall kan deler av løyvinga skyvast over til 2011. I denne omgang rår ein til at det vert løyvd 9 million kroner, og ei eventuell ytterlegare løyving ver å vurdere i samband med neste fordeling av ombyggingsmidlar.»

Fuv 32/11 – utdrag frå saka:

«I budsjettet for 2009 vart det lagt til grunn ei samla kostnadsramme på 25,5 million kroner til ombygging / opprusting av internat ved Manger folkehøgskule. I same saka vart det gjeve ei startløyving på 12,5 million kroner til prosjektet. Det vart vidare lagt til grunn at det skulle løyvast ytterlegare 13 million kroner frå ombyggingskontoen i perioden 2008-2010 for å fullfinansiera

prosjektet. Av desse var 3 million kroner alt løyvd i 2008. I løpet av 2010 fant ein berre økonomisk handlingsrom til å løyve 9 million kroner, slik at det står at å løyve 1 million kroner av opphavleg budsjettamme. I løpet av prosjektet har det og blitt avdekt nye behov som det er naturleg å gjennomføre i samband med opprustinga. Dette gjeld i første rekke tiltak knytt til det elektriske anlegg / oppvarming og forhold utomhus/fundamentering. Ein har og fått presentert einskilde nye krav knytt til kvalitet på det bygningstekniske, og fått uforutsette kostnadar knytt til at skulen skulle ha ei så normal drift som mogleg i byggeperioden. Reviderte kostnadsoverslag tilseier at samla prosjektkostnad vil bli om lag kr. 28,5 million kroner og ein rår til at det blir løyvd 4 million kroner til prosjektet i 2011.»

Fuv 240/11 – utdrag frå saka:

«I ettertid har det vist seg at tilleggsarbeida vart meir omfattande enn det ein la til grunn, og at ein fekk ekstra kostnader knytt til samankopling av gamle og nye system for vatn, avløp og drenering. Samla kostnad for prosjektet er no kome opp i om lag 29,2 million kroner, og det står enda at nokre kostnadar. Ein rår difor til at prosjekt får ei tilleggsøyving på 0,985 million kroner, slik at samla løyving vert 29,485 million kroner.»

Kommentar:

Prosjektet er ferdigstillt innan revidert kostnadsramme.

Bjarte Molvik
Seniorrådgjevar

Irene Olsen
Spesialkonsulent

Vedlegg: Statusrapport